

teekaru nanmarua

'una tacini nanmarua tantaniara mukusa tantanau teekaru. makasua cucuru kipatusu putukikio. 'esi cu tarasangai cau cucumeni, nakai 'esi pa tantanau nguain kipatusu teekaru. noo ka'anu pa mapitu'u ka'anu nguain tarasangai. nakai nivatu cu nguain mana'u vuanu, koo kamucu makaan savai na kakana'ua nesi. miseni paira nguani tarasangai, ka'anu ku tarasangai, ka'anu tani savai nguani?

mamumuku nanmarua isua! vanai kara ka'anu pa ku tamu'iaru? pacupungu! tia ku mastaan kipatusu nura. makasua maca'ivi urucin taniara, cumacu'ura tinikarua kee karu, koo ara'itumuru. 'una tacini kana'ua pokari, tia 'apatupuru 'inia mima nangira. pacupungu nanmarua makangucu pa tinikarua maku karu, 'akia pa takananga tarasangai. masitatia kari marivari, sosomanpe kasua! 'akia pa takananga maku misee.

sumingiacu macaca kana'ua isua. vuruvuruun kee navungu makasi, naturuana tati'ingi isi! ka'anu tarasangai teekaru, koo 'uma'a'a numanu. makasia 'inmamia muruavuran, tia 'una ucani taniara muruvuaru matipuri!

nguani mamarang 'esiin mima nangira, paru'una nukai 'esi tarasangai,

ka'anu matipuri 'esi 'uma'a'a siarupaca nonoman. imuava mara'an nguani mangutunu karu. ukurun marangu nanmarua tamna 'aniacanga makasi, kipatusua nanmarua! nakai 'akuni roimi 'urupaca navungu putukio. ha! ha! macaca cu. maripiningi takupiripiri nia'a'a cu purucung mataa numanu.

makananu kasu? 'akuni roimi, noo tiain 'una vura, ka'anu 'inmamia tia maripiningi 'intasu, 'inmamia muruavuran. tanamaan monangu pacupungu, noo me'icunu cupungu ia, aratukunu pa 'arivatu. manasu tia aramanungu sua putukioa musu. takacicini macaca pamanungu cupungu. tarasangai pa ti'ingi. 'apu'iaru pacupungu, tia makananu sua mamanung tapaicaa? mamanung siarupaca. mamanung siputukio. putukio ka'anu 'inmamia

'urupaca 'intasu, tia 'urupaca kangvang navungu mataa cupungu. 'una pa, mamanung tumatimana tangria tamna kari. nukai 'aparuranu mataa cau cucumeni, para'una vura sua makasua putukio. 'una ucani kari musutampu usu'un nesi, nguai sua "noo tiain manung putukioa, tia 'una manung nonoman".

砍柴的少年

有位年輕人每天到森林裡砍柴，別人休息時，他仍在努力砍柴。

可是他不曾贏過那些老前輩，明明前輩常在休息，為什麼還會輸給他

們？前輩說，你一直砍伐不磨刀，總有一天會氣餒。年輕人要努力！

但是要記得用腦袋工作。試著放鬆心情，使工作更有效率。思考怎樣

是最好的過程？最好的工具？最好的做法？工作不僅靠蠻力，也要用

腦袋。還有，最好也能聽聽朋友的意見，或者與他人相互幫忙，可以

增進工作的成果。所謂工欲善其事，必先利其器。